

Exercise 1 - Character Sketch**Tauhan**

Si Joachim Ascencion o Kim, 35 taong gulang ay isang taxi drayber. Mayroon siyang dise-sais anyos na anak, si Mary, na mayroong sanggol. Namatay ang kanyang asawa sa pagkapanganak pa lamang ng kanyang anak. Mula noon ay silang dalawa na ang magkasamang humarap sa buhay.

Character's Journey

Sa loob ng maraming taon, umikot ang mundo ni Kim kay Mary. Literal niyang ibinuhos sa kanyang anak ang lahat ng kanyang pagmamahal, maging ang para lamang dapat sa kanyang yumaong asawa. Mula nang magkaroon ng baby si Mary, nagging malayo na ito sa kanya. Hindi din nakatulong ang kanyang naging pamamalo sa sanggol nang minsang ito ay patuluyang umiyak.

Coding ang taxi ni Kim ngayong araw. Mayroon siyang nakahandang regalang panuhol sa anak. Ngayong araw din ang takdang pagpunta sa ama ng sanggol ni Mary. Ito na ang hinihintay niyang panahon upang mabawi ang pagmamahal ng anak.

Character's Response to Journey

Mayroong dalawang bagay na gustong mangyari si Kim sa kwento. Ang isa ay ang mabilisang pagpawi sa kanyang pangungulila sa mga halik at lambing ng anak. Ang ikalawa ay ang maalís sa buhay nilang mag-ama ang dahilan kung bakit lumalayo sa kanya ang pinakamamahal niyang si Mary.

Mula nang mapalo ni Kim ang sanggol mga ilang araw na ang nakakaraan, ang malamig na pakikitungo ng kanyang anak ay lalo pang nanlamig. Sa pamamagitan ng manipulasyon sa murang isip ni Mary na gumagamit ng suhol, at pang-uuto.

Upang tuluyang mawala ang bata na siyang dahilan ng paglayo ng anak sa kanya, kailangang masigurado ni Kim na tuluyang makaaalis ang bata anuman ang mangyari. Kailangan niyang maipangatag ang kalooban ni Mary sa nalalapit na pagkawalay sa

sanggol. Kailangang mawala ang lahat ng hadlang upang maisakatuparan ang kanyang plano.

Character's Objective (will he get it or not?)

Mahirap tukuyin kung nagtagumpay si Kim sa kanyang mga plano o hindi. Hindi lahat ay naging paborable sa kanya at ang kanyang nakuha mula sa mga resulta ng pangyayari ay hindi direktang dulot ng mga pagpapagal na ginawa niya.

Ang halik na muling natikman ni Kim mula sa anak ay hindi dahil sa pagmamahal. Ang lambing ni Mary ay dulot ng pagkabalisa sa napipintong pagkawalay sa sanggol. Ang kanilang paglalamponan naman ay bunga ng pagkalango sa pinagbabawal na gamot.

Tuluyang nawala sa landas ni Kim ang sanggol na naglayo sa kanya sa anak. Ngunit ang inaakala niyang muling paglalapit ay muling paghihiwalayin nang siya at si Mary ay nahuli ng mga awtoridad na nagtapon ng bangkay ng sanggol sa Ilog Pasig.

Exercise 2 - Monologue

Kakatapos lamang kausapin ni Kim ang gumawa ng selpon na regalo niya para sa anak na si Mary. Pupunta siya sa duyan kung saan nakahiga ang sanggol na ilang araw nang di gumagalaw at di nag-iingay.

Kim:

Tang ina. Haba na talaga ng tulog mo ha. Three days! Hindi bale, mamaya, aalis tayo ha. Aalis ka nadin dito. Pupunta ka na sa ama... mo. At kami nalang ulit dito ni mama... mo.

(Maalala ang selpon sa bulsa, ilalabas at iyayabang sa baby)

O kita mo 'to? Para sa mama mo 'to. Siyempre dapat may panuhol. Maganda daw itong phone na'to sabi nung dating may-ari eh. Buti

nalang, nakalimutan niya sa taxi ko. Palagay mo magugustuhan niya 'to? Sana maging ok na ulit kami. Hindi na niya ako tinatabihan eh, di na humahalik. Sana bumalik ulit sa dati.

(Maalibadbaran sa pinapalabas sa tv na 700 Club. Ililipat ang palabas sa NBA.)

Pambihira talaga itong palabas na ito o. Mula nang napasama siya dun sa bible study sa may chapel, ito na ang nakahiligan niyang panoorin. Para daw kasi sa'yo. Dapat daw maging karapat-dapat siyang maging ina mo.